

Լ. Ս. ԽԱՉԻԿՅԱՆ

Վախճանվեց Հայկական ՍՍՀ գիտությունների ակադեմիայի ակադեմիկոս, պատմական գիտությունների դոկտոր, պրոֆեսոր Լևոն Խաչիկյանը, երբ դեռ չէր բոլորել կյանքի 64-րդ տարին:

Լ. Խաչիկյանը ծնվել է Երևանում 1918 թ., ավարտել է Երևանի պետական համալսարանը Դեռևս 1940-ական թթ. նա դարձավ հայ դասական բանասիրության առաջին հետևողական ավանդակիրներից մեկը:

Լինելով լայն ընդգրկման տեր, Լ. Խաչիկյանը մեծ չափով առաջ աղբյուրագետ պատմաբան էր: Պատմությունը իբրև գիտություն հենվում է վստահելի և ստուգված փաստերի, պատմագրական աղբյուրների վրա, և Խաչիկյանը մեծ ջանքեր ներդրեց այդ ուղղությամբ՝ հին ձեռագրերից և արխիվային նյութերից պեղելով ու հրապարակ բերելով հայ ժողովրդի բազմաբան, տնտեսական և հոգևոր կյանքին վերաբերող կարևոր տվյալներ:

Հայ պատմագրությունը հարուստ աղբյուր է ոչ միայն սեփական, այլև հարևան ժողովուրդների պատմության համար. բայց հիմնականում այն ընդգրկում է կամ արտացոլում երկրի քաղաքական կյանքը: Իսկ ժողովրդի ներքին կյանքը, նրա սոցիալական հարաբերությունները վրիպել կամ դրեթե վրիպել են պատմիչների ուղղորդվածության, ավելի ճիշտ՝ այդպիսի խնդիր նրանք չեն ունեցել: Խաչիկյանը ուշադրություն դարձրեց մատենագրական այնպիսի շերտերի վրա, որոնք կարծես երկրորդային են, չեն անշուշտ պատմագրական ժանրի հետ, բայց ժողովրդի կյանքի, սովորությունների, կենցաղի, սոցիալական հարաբերությունների մասին թանկարժեք նյութեր են պարունակում: Այդպես նրա կողմից վերախման ավերված միջնադարյան թղթերը, ճառերը, քարոզները, հարց և պատասխաններ ու եկան լրացնելու պատմագրության թերիներ:

Ընդհանրապես ավելի արժեքավոր են այն բնագրերը, որոնք հասել են առաջին ձեռքից, առանց միջնորդման և գրադրական ճանապարհ անցնելու: Այդ իմաստով առաջնակարգ նշանակություն ունեն գրիչների հիշատակարանները, որոնք նույնքան ուղղակի են և նույնքան անմիջական, որքան վիճաբան արձանագրությունները: Մեծ է հիշատակարանների

աղբյուրագիտական արժեքը, բայց դրանք ցրվել են, ձեռագրերի մեջ կորած և մնում էին անօգտագործելի: Առաջներում հիշատակարաններ հավաքելու և հրատարակելու ուղղությամբ քիչ բան չի արվել, բայց Խաչիկյանն այդ գործը բարձրացրեց գիտական նոր աստիճանի՝ մշակելով հիշատակարանների հրատարակման հա-



տուկ սկզբունքներ: Նրա ջանքերով հրապարակվեց XIV—XV դդ. հիշատակարանների ստվար հատորներ, և այդ գործը շարունակվեց այլ աղբյուրագետ գիտնականների կողմից:

Երկրի տնտեսական կյանքը պատմության առանցքային խնդիրներից է: Նրանով է արտահայտվում հասարակության զարգացման պատկերը: Լ. Խաչիկյանը չթուլացող եռանդով հետևեց այդ անտեսված բնագավառին: Նրա հրապարակումները մեծ արժեք ունեն հայ տնտեսության և տնտեսագիտական մտքի պատմության համար:

Լ. Խաչիկյանը միայն բնագրագետ-աղբյուրագետ չէր, որ ինքնին արդեն երախտիք է բերում, նա նաև լայն ընդգրկման տեր միջնադարագետ պատմաբան էր, որի պատմագիտական աշխատանքներին բնորոշ են շարադրանքի հազեցվածությունը և հստակ տրամաբանականությունը: Նա իր իսկ հրատարակած հիշատակարանների նյութի հիման վրա

շարահրեց XIV—XV դդ. Հայաստանի պատմութիւնը և լրացրեց բաց մնացած բազմաթիւ սպիտակ էջեր: Խաչիկյանի «Սյունյաց Օրբելյանների Բուրթելյան ճյուղը», «Զորանշանների և Զննարկանների տիրապետութիւնը Հայաստանում» և այլ աշխատութիւններ փաստագրական նյութի մշակման օրինակ կարող են լինել:

1954 թ. մինչև իր կյանքի վերջը, շուրջ երեք տասնամյակ, Լ. Խաչիկյանը գլխավորում էր Մատենադարանի կոլեկտիվը իրրև գիրեկտոր: Այդ ընթացքում Մատենադարանը վերածվեց հին ձեռագրերի ուսումնասիրման գիտահետազոտական ինստիտուտի և դարձավ միջազգային ճանաչում ունեցող հայագիտական կենտրոն: Շատ հաջողութիւններ, որ այդ տարիներին ձեռք են բերվել Մաշտոցի անվան Մատենադարանում, կապված են նրա անվան հետ:

Զեռագրական հարստութիւնը համամասնորեն վեր հանելու և սերունդներին մատուցելու համար Խաչիկյանը ուղղորդութիւն դարձրեց ոչ միայն միջնագարյան ժառանգութիւն հայտնի ճշուղերի վրա, այլև նրանց, որ ավելի քիչ են ուսումնասիրված: Նրա նախաձեռնութեամբ Մատենադարանում բացվեց միջնագարյան գիտու-

թիւն պատմութիւն բաժինը, որտեղ Լ. Խաչիկյանի գիտական ղեկավարութեամբ աճեցին և անհրաժեշտ փորձ ձեռք բերեցին շատ մասնագիտական կադրեր:

Խաչիկյանը մասնակցել է մի շարք կարևոր հայագիտական ձեռնարկումներին: Նա հետևում էր Հայկական հանրագիտարանի պատմագիտական նյութերին, խմբագիրն էր հայ ժողովրդի պատմութիւն բազմահատորակի ակադեմիական հրատարակութիւն 4-րդ հատորի և որոշ գլուխների հեղինակ, նրա խմբագրութեամբ էին հրատարակվում «Բանբեր Մատենադարանի» գիտական նյութերի ժողովածուի համարները:

Լ. Խաչիկյանն իր ամբողջ կարողութեամբ ծառայեց հայրենի գիտութեանը, իր ժողովրդին և արժանին ստացավ նրանից: Նա Հայկական ՍՍՀ գիտութեան վաստակավոր գործիչ էր, Մաշտոցյան մրցանակի առաջին դափնեկիրը, Ժողովուրդների բարեկամութեան շքանշանակիր:

Իբրև ստեղծագործող, իբրև քաղաքացի Լ. Խաչիկյանը ասրեց հարուստ և արդասաբեր կյանքով ու նվիրվածութեամբ հայրենի երկրին և հայրենի գիտութեանը:

Ա. ՄԱՐՏԻՐՈՍՅԱՆ